

կը խօսել ամէն մէկուն մէջ, եւ ես կը մաղթեմ, որ Տէրը պարգեւէ իրենց թիւը բարութիւն եւ արդիւնաւորէ իրենց ջանքերն ու բաղձանքները: Կրնամ վկայել, որ իմօրեայ սրահին խնդրոյն ծագումն ու ընթացքը կը պարտինք, առաւելապէս, Եկեղեցասէր Տիկնանց Միութեան:

3.- ԴՊՐԱՅ ԴԱՍ.- Խանդաղատանք կը զգամ ամէն անգամ, երբ առիթը կունենամ մեր Ս. Եկեղեցւոյն Դպրաց Դասին մասին խօսելու: Գրեթէ միասեռ մարմին մըն է ան, կազմուած աղջիկներէ: Տղաները այնչափ քիչ են խումբին մէջ, եւ այնչափ քիչ կերեւցնեն իրենց դէմքերը Հինգշաբթի օրերու փորձերուն եւ կիրակնօրեայ աւ երգեցողութեանց մէջ, որ գուցէ չարդարացնէք, եթէ ես մեր Դպրաց Դասը երկսեռ անուանեմ: Արդար է ըսել, որ մեր Դպրաց Դասը շրջանակիս նման Միութիւններէն առաջիններէն է: Հաւատարիմ եկողներ են փորձերուն, եւ կիրակնօրեայ իրենց գեղգեղը խիստ գովական: Մեր դպրապետ Պ. Խոսրով Համամճեան ամբերիկայի մէջ գտնուած միմիայն քանի մը հատ կարողներէն մէկն է, որ գիտէ երգել, գիտէ սովորեցնել, եւ գիտէ երգել տալ: Իր կողմէ սարքուած անցեալ եւ այս տարիներուն երգահանդեսները, ու ամէնուն ալ կողմէ անոնց տրուած անկեղծ գովասանքները անայլայլ վկայութիւններն են թէ Դպրապետ Պ. Խոսրով Համամճեանի եւ թէ Դպրաց Դասին պատկանողներուն արժէքներուն: Հայ տղաներուն Դպրաց Դասէն բացակայութիւնը մենք կը դիտենք խոր ցաւով: Մեր Դպրաց Դասը իր Դպրապետով միասին, ամէն քաջաւերանքի ու գնահատութեան արժանի են:

4.- ԵՐԻՏԱՍԱՐԴԱՅ ՄԻՈՒԹԻԻՆ.- Իրենց ժողովներուն չեմ կանչուիր թէեւ, բայց կը Լսեմ, որ վիճակները բաւական Լաւ է եղեր:

5.- ԿԱՐԳԵՐ.- Տարուանս ընթացքին ունեցած ենք 37 մկրտութիւն + 19 պսակ եւ 27 թաղում:

6.- ԱՌԱՋՆ. ՕԺԱՆԴԱԿ ՄԻՈՒԹԻԻՆ.- Տարիներ առաջ կար այդ անունով քանի մը տիկիներէ կազմուած մարմին մը, բայց հիմա չկայ: Եւ որպէս զի Ազգ. Առաջնորդարանը մեզմէ ալ նիւթական օժանդակութիւն ունենայ, նպատակ ունիմ մօտերս վերակազմել այդպիսի մարմին մը:

7.- ԿԻՐԱԿՆՕՐԵԱՅ ԴՊՐՈՅ.- Ամիսէ ն աւելի է, որ բացուած է կիրակնօրեայ Դպրոցը, որուն դասաւանդութիւնը սիրայօժար կերպով ստանձնեց Օր. Բօզի Նաւպանտեան: Քանիցս Եկեղեցիին խմբէն ծանուցինք այս պարագան, դժբաղդաբար մինչեւ հիմա շատ քիչ մանուկներ ղրկուած են: Յատկապէս կը խնդրենք, որ ներկաները, եւ ուր որ ներկաները կրնան իրենց ձայնը հասցնել ըսեն անոնց, որ փոքրերը ամէն կիրակի, ժամը 10 Ին եկեղեցի ղրկուին, կիր. Դպրոցին համար:

8.- ԱՅՅԵԼՈՒԹԻԻՆ.- Երբ Լսած եմ, ուղղակի թէ անուղղակի միջոցներով, ոեւէ հիւանդի մասին, տունը թէ հիւանդանոց, իսկոյն այցելած եմ անոր: Երբ մէկը իմ ծառայութեանս պէտք ունեցած է օգնած եմ իրեն, կարողութեանս չափով: Զարմանալի է, սակայն, ժողովրդեան հոգեբանութիւնը, հիւանդին տէրը Լուր չի տար ինձի թէ հիւանդ ունի, եւ կը սպասէ, որ ուրիշ մը ընէ զայդ. դժբաղդաբար զայդ ընող ուրիշն ալ յաճախ չգտնուիր:

3/ Ոչ հիւանդանալը ամօթ է, եւ ոչ ալ հիւանդի տէր ըլլալը, եւ ուրեմն յատկապէս կը խնդրեմ, ինչպէս Եկեղեցիին Բեմէն ալ յաճախ խնդրած եմ, որ հիւանդին տէրը ինչպէս որ բժիշկին և ուր կուտայ, թող ինձի ալ թէլէֆօնով գիտցնէ իր հիւանդին մասին, որպէս զի այցելեմ:

9.-ՈՒՐԻՇ ԱՌԻՔՆԵՐ.-Անցեալ տարի երկու ընտանիք, տարբեր ժամանակներ, ինձի և ուր տուին իրենց ընտանեկան խռովութեանց մասին, եւ իմ միջամտութիւնս պարապը չգնաց, երկու տունն ալ փրկուեցան գէշ տագնապներէ: Կաղօթեմ Աստուծոյ, որ ոեւէ ընտանիք ներքին տագնապներ չունենայ, դժբաղդութեան մը պարագային թող փութան կանչել զիս

10.-ԸՆՏԱՆԻՔՆԵՐՈՒ ԱՅՑԵԼԵԼ.-Պաշտօնավարութեանս սկիզբէն մինչեւ օրս ոչ մէկը կանչեց զիս, որ իրենց երթամ, իրիկուն, ժամը 8 էն վերջ, իր ընտանիքին անդամներուն հետ կը օնական խօսակցութիւն ընելու: Իմ նախորդ թեմերուն մէջ շատ տուներ այցելեցի, այս մտքով միայն, դժբաղդաբար, ամէն տեղ ալ խօսակցութիւնը անմիջապէս փոխեցին կամ կուսակցականի եւ կամ քաղաքականի, որոնց մէջ մեր ժողովուրդը բաւական հմտութիւն եւ պատրաստութիւն ունի, ու ես վրիպած նստակով դուրս եկած եմ տուներէն, եւ այդ փորձառութեանս պատճառաւ է, որ չեմ փորձած նոյնը ընել հոս: Մեծ ուրախութիւնով պատրաստ եմ ընելու, եթէ կանչուիմ:

Վերջացնելով, այս չափով, իմ անձնական բաժինս, կը մաղթեմ ժողովին կատարեալ յաջողութիւն:

1949 Դեկտ. 4

Հովիւ Ինիլըն Սիտիի Ս. Խաչ Եկեղեցւոյ
Խորէն ԲՏԵՅ. Մամիկոնեան

